

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

KPDNHEP KOMITED MEMUDAHCARA PELAKSANAAN PERMIT KHAS PETROLEUM UNTUK SEMUA RAKYAT

PUTRAJAYA, 2 September 2022 – Kementerian Perdagangan Dalam Negeri dan Hal Ehwal Pengguna (KPDNHEP) komited dengan amalan organisasi '*Ease of Doing Business*' untuk memudahcara pelaksanaan permit khas petroleum di semua peringkat peniaga dan pengguna seperti termaktub di bawah Akta Kawalan Bekalan (AKB) 1961.

2. Di bawah peruntukan undang-undang Akta Kawalan Bekalan (AKB) 1961, setiap stesen minyak mesti mempunyai lesen di bawah Akta terbabit bagi membolehkan stesen minyak melakukan urusan petrol dan diesel. Antara syarat yang telah ditetapkan di bawah lesen terbabit adalah mana-mana stesen minyak tidak dibenarkan menjual bahan api diesel dan semua gred petrol kecuali:-

- i. Tangki asal kenderaan berkenaan atau yang telah diluluskan oleh agensi berkaitan; dan
- ii. Mana-mana pihak yang mendapat kebenaran daripada pihak KPDNHEP di bawah peruntukan undang-undang AKB 1961.

3. Bagi mengelakkan barang kawalan dan bersubsidi seperti petrol dan diesel ini diseleweng oleh pihak yang tidak bertanggungjawab, mana-mana syarikat berskala kecil, organisasi atau individu yang layak untuk membeli petrol dan diesel daripada stesen minyak untuk kegunaan persendirian adalah dibenarkan dengan syarat perlu memohon Permit Khas di bawah Akta Kawalan Bekalan 1961. **Dan permohonan Permit Khas ini hanya diperlukan dibuat sekali untuk jangkamasa satu tahun dan bukannya untuk setiap pembelian.**

4. **Walaupun, keperluan Permit Khas ini adalah bagi pembelian dengan kuantiti melebihi 20 liter ke atas sahaja manakala mana-mana pihak yang membeli dengan kuantiti kurang daripada 20 liter termasuk kes-kes kecemasan adalah dibenarkan dan tidak memerlukan Permit Khas.**

5. Kementerian juga memudahkan cara permohonan permit khas ini di mana permohonan boleh dibuat melalui talian melalui **sistem Mysubsidi Permit Khas** dipautan www.permitkhas.kpdnhep.gov.my atau hadir sendiri ke mana-mana pejabat KPDNHEP yang berhampiran.

6. Permit Khas ini adalah percuma dan tidak dikenakan apa-apa bayaran serta terbuka kepada semua pihak yang berkecuali. Permohonan Permit Khas baru yang lengkap akan **diproses dalam masa lima (5) hari bekerja dari tarikh penerimaan permohonan manakala permohonan pembaharuan atau penyambungan semula akan**

mengambil masa tiga (3) hari bekerja dari tarikh permohonan diterima. Sila rujuk kepada sistem Kementerian untuk mengetahui syarat kelayakan serta maklumat yang diperlukan bagi menyokong setiap permohonan permit khas tersebut.

7. Mana-mana pihak yang telah diberi kebenaran untuk membeli minyak petrol dan diesel melalui Permit Khas ini boleh menggunakan tong drum, plastik atau apa-apa bekas yang bersesuaian mengikut kuantiti harian yang telah diluluskan.

8. Sehingga kini, antara pihak yang telah mendapat Permit Khas daripada pihak Kementerian adalah pengguna *forklift*, sektor pertanian dan penternakan, pengusaha industri makanan, penduduk di kawasan pendalaman, pengguna pengangkutan air untuk enjin bot serta nelayan separuh masa (bukan pemegang kad e-nelayan).

YB Dato Sri Alexander Nanta Linggi

Menteri Perdagangan Dalam Negeri dan Hal Ehwal Pengguna

PUTARAJAYA, 2 September 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

